



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

**Gavanti, Bartolommeo**

**Antverpiæ, 1634**

De Feria. VI.

**urn:nbn:de:hbz:466:1-40244**

26 Comm. in Rubr. Breuiarij. Sect. III. Cap. V. & VI.

quod ante Clementem VIII. fiebat, dum, translato Semiduplici Festo, fiebat Officium de Dominica extra suum diem, & propriam sedem, quæ ob anni angustiæ deerat; quod populum facilè latet; qui tamè erga Festum de Sancto Semiduplex deuotius moueri solet.

10 Ex quo etiam patet, quod, impedito Sabbato ut supra, aut Feria sexta, aut quinta à Festo Simplici, non erit anticipandum Officium predicatorum Dominicanorum Feria quarta aut tertia, in qua nullum fortasse occurrit Festum; nam neque Simplex Officium B. Virginis in Sabbato, neque Festum Simplex in eodem occurrens impedit, quo minus in Sabbato fiat Officium de Dominicæ quæ supersit, sed tantum Officium nouem Lectionum impedit Officium Dominicæ; & curandum est, quoad eius fieri potest, ut proprius ad Sabbathum fiat de ea Dominicæ Officium.

11 Excellunt hæc Dominicæ, quibus cedunt etiam Patroni, neque umquam omittuntur, Prima classis idecirco cognominatae, nimurum Prima Adventus & Quadragesima, Dominicæ Passionis, Palmarum, in Albis, in quibus decet populum moueri ad mysteria maiora in ijsdem celebrata Redemptionis nostræ tum Officio, tum colore paramentorum. Aliæ minores, idèò dictæ Secundæ classis, cedunt quidem Festis Patroni loci, Tituli Ecclesiæ, & eiusdem Dedicationis, quæ ad afficiendum populum maximè valent; alijs autem minimè cedunt Sanctorum Festis, nimurum secunda, tertia, quarta Adventus & Quadragesima, Dominicæ Septuagesima, Sexagesima, Quinquagesima; quarum titum in Proprio de Tempore inuestigabimus.

12 Dominica prima mensium habet rationem potissimum in Breuiario, quia in eo solent ponere initia facrorum Librorum cum suis Responsorijs. Ea igitur prima esse dicitur, que venit in Calendis mensis, vel est proximior (sive ante, sive post) ipsis Calendis; quod si fieret in mense Novembri, deficeret tempus necessarium ad legēdos sacros Libros eidem mensi assignatos, adueniente Dominicæ prima Adventus ante finem Novembri, vt notatum est in Breuiarijs M. S. antiquissimis.

13 Dominica verò prima Adventus est ea, quæ proximior est Festa S. Andreæ, vel quæ venerin ipso Festo, Dur. lib. 6. cap. 2. seu, ut cum Radulpho loquar Propos. 16. post crastinum sanctæ Catharinæ, neque enim ante crastinum, neque in crastino eiusdem Virginis contingit initium Adventus. De Officio Dominicali dicemus, cùm de Matutino, & alijs.

De Feria. CAP. VI.

1 **F**eria à fando, inquit Rabanus 2. de Instit. Cler. cap. 46. quæ vox apud Ecclesiasticos antiquior est Siluestro, ex eodem ibid. de ea apud Tertull. aduers. Psychon. cap. 8. & cap. 14. ubi ait: Nobis omnis dies, etiam vulgata, consecratione celebratur. Cùm enim horrent fideles nominare dies à diis genium, vel Iudaico more à Sabbatho, primam, secundam Sabbathi, &c. idèò ac si Dominicæ prima Feria diceretur, appellare reliquos dies Feriam secundam, tertiam, &c. retento tantum nomine Sabbathi. Vacante itaque die ab alijs Christi vel Sanctorum Festis, fit de Feria, quod Officium Domini est; ut quicque

